

石刻史料新編

第三輯

(三)

新文豐出版公司印行

地方類

陝西省

澄城金石志	一卷	清洪亮吉撰	001
澄城金石志	二卷	清韓亞熊撰	007
韓城金石志	不分卷	清畢沅纂	027
韓城金石續志	不分卷	民程仲昭纂	037
華州金石志	不分卷	清劉域撰	043
寶雞金石志	一卷	民強振志編	047
扶風金石記	一卷	清張埏撰	061
郿縣金石遺文	二卷	清沈錫榮纂	077
淳化金石志	三卷	清洪亮吉纂	093
乾州金石志稿	一卷	清周銘旂纂	121
洋縣金石志	一卷	民張鵬翼纂	139

WL 100/03

延安金石志	一卷	清洪 蕙纂	1 4 3
其它			
甘肅新碑記	不分卷附金石	清安維峻纂	1 5 1
皋蘭金石志	不分卷	清張國常纂	1 9 9
新民碑碣志	一卷	民張博惠輯	2 0 3
吉林金石志	一卷	清李桂林纂	2 2 3
雙城碑銘志	不分卷	民張肅銘纂	2 4 9
寧安金石志	不分卷	民敏文昭纂	2 5 7
珠河金石志	不分卷	民宋景文纂	2 6 1
樺川金石志	不分卷	民鄭士純修	2 6 5
黑龍江金石附稿	不分卷	民張伯英纂	2 7 3
察哈爾金石志	不分卷	民梁建章纂	2 8 3
陽原金石志	一卷	民李泰荪纂	3 0 5
蔚州金石志	二卷	清楊 篤纂	3 2 5
延慶碑碣志	不分卷	清張惇德纂	3 5 5
歸綏金石志	不分卷	民鄭植昌纂	3 6 3
新疆金石志	二卷	清王樹枏纂	3 8 7

高昌專錄 不分卷 民羅振玉輯 451

〔補遺〕

燕庭金石叢稿 清劉喜海撰 467

清洪亮吉撰

澄城金石志

金石十六 已見前者不錄

賜湖洪亮吉孫星衍同撰

唐碑三

貞元十四年集賢殿學士陳京縣令鄭公德政碑 存 文見上卷

杜牧功倉戶尉廳壁記 石刻失

縣之所重其舉秀貢賢也今日自外諸侯之儒者曠不能得一人況尉乎次乃戶稅而已史記河渠書曰自徵引洛水至商顏下鑿井深者至四十餘丈即此地也徵者俗譌為澄耳其地西北山環之縣境籠其趾沙石相礪歲雨如注地皆淫澆不測徵之土適潤苗則大獲天或旬而不雨民則蒿然四望失矣是年多薄稔復絕絲麻藍果之饒固無家族富室大

抵民戶高下相差埒然歲入官賦未嘗期表鞭一人因徵其來由耆老咸曰西四十里即畿郊也至如禁司東西軍禽坊龍殿彩工梓匠善聲巧手之徒第番上下戶互來進取挾公為首緣以一括十民之晨炊夜春歲時不敢嘗悉以仰奉父伏子走尚不能當其意往往擊辱而去長吏固不敢援復况其養秩安祿者耶加以御女官多盤穴其間遞相占附比急熟如手足自丞相御史咸不能與之角逐縣令固無有為也非豪吏真工聯紐相姻戚者率解去是以縣賦益逋徵民幸脫此苦者蓋以西有通澗巨壑又牙支吞小山峭徑馳鞭馬張機置者不便於此是以絕跡不到兼之土田枯鹵樹植不茂無秀潤氣象咸惡之而不家焉民所安和輸賦者殆由此倘使徵亦中其枯則盛矣尚安比之於他邑乎嗟乎國家設

法禁百官持而行之有尺寸害民者率有尺寸之刑今此廢墮地不起反使民以山之澗壑自為坊限可不悲哉使民恃險而不恃法則割土者宜乎墻山漸河而自守矣慈超之盜復何可多怪乎書其西壁俟傳言者覽焉

縣令宗義仲去思碑 失

宋碑八

宋皇祐六年伏龍神廟碑記 失

宋延祐中潘汝劼玉泉觀記 失

宋龍圖閣學士王正言魏鄭公祠石刻 失

宋政和中曹景儉普濟寺靈泉記 失

宋政和中曹景儉慧光祠記 失

宋宣和初隋公泉題名石刻 失

宋宣和中知縣張綱創建魏鄭公祠記 失

宋宣和癸卯魏鄭公祠碑記

金碑八

金尚書高有邦題壁詩石刻 失

金明昌三年師節婦墓原降省符碑 失

金王嘉猷師節婦墓碑 失

金大定二年重修岱嶽廟碑記 失

金大定五年劉禧重修三官殿記 見上

金大定十一年縣尉趙公德政碑 見上

金承安三年孫鎮艾公改修魏鄭公祠記 見上

金承安四年孫鎮知縣艾公遺愛碑 見上

元碑三

元至大中縣尹張重修城隍廟記縣尉劉宏遠撰失

元至元中縣尹宋傑重修城隍廟記縣尉劉宏遠撰失

元至正七年縣人傅良弼魏鄭公祠碑記失

明碑十六

明趙寅重建廟學碑記見上

明吉人增修廟學碑記見上

明韓邦奇新修廟學碑記見上

明陝西僉事四明張楷魏鄭公祠題壁詩石刻失

明知縣史東昌去思碑失

明知縣王選生祠碑記失

明縣丞樂韶遺愛碑

縣人喬口縣丞樂公遺愛碑自古張官置吏職思親民尤關

承宣之重者莫要於丞聖朝混一益嚴茲選然欲求克勝是

任者樂侯其人也侯名韶字九成世居江西臨川擢才異授

是邑丞去歲夏六月署事慨然有願縣治曩時徒於親鄰

案以奔走服役受制於時將詣都督府躬稟命復故治縣宇

廬居尋就規繩官民兩便而無擾前編民緣賦煩重逃亡者

多侯招來耕墾安業自是疲瘵復蘇咸遂仰事俯育之願設

法禁戢凶賊茂殘害境內晏然無狗偷鼠竊之警至於吏

胥輩各能飭厲奉公罔或貪惰故庶物辦集視鄰邑為首稱

其戶役丁力高下眾寡不同仍品答等第科坐民無咨怨時

有過軍於合備廩餼外或妄有需求報論拒止民無妄費之

苦敬謁廟學增修雅圯延禮師儒教養後進日課月試以期

人材育成頃遇亢旱創俸齋香懇禱諸神誠意感通如期而

甘澍沾足民望必率集廟校備土酒肴宿衛諸紳論史

俸俾人知趨善遠罪之方日必雞鳴冠帶詣公視事政

績必躬如刺義若罕裘領處之靡不適當嗚呼侯之政蹟彰

彰若此其賢於人遠甚民方感慕仰觀政成了母憂而歸翌

日音老趙進等謁于內請為文紀諸石謹撫所官於述梗概

銘曰侯方下車惠政寬徐恩撫流離田墾荒蕪農修食足學

與才育均賦平從訟簡刑清邦憲宣明人知遵行姦伏糾擿

物無遁情善教福慶惡權鯨橫風移俗易墜歌里詠六事斯

全父母終天泣涕澍澍謝職南還賢侯去矣孰繼芳軌勒銘

貞珉甘棠並美洪武三年歲次庚戌十月吉日古雍前鄉進

士喬口撰

明知縣劉有餘嘉禾碑

朝邑工部郎中韓邦靖劉公嘉禾碑王在上海內又安

朝邑工部郎中韓邦靖劉公嘉禾碑王在上海內又安

事澄城舊苦盜畏令屏息不敢示之生為不誣矣

明曾榮雷御史恭墓碑

米見

明李夢陽權博施墓表

見上

明石道立增修城隍廟碑記

見上

明路車增修城隍廟神樓碑記

見上

明路世美增修關帝廟碑記

見上

明路世美創修泮池記

見上

明李康知縣楊公政績記

見上

明楊廷修建社學記

見上

瞳之目並肩之體皆氣之所為也夫氣所為偶然耳烏足異父老曰常聞之嘉禾之書垂訓萬世有年之紀載之春秋夫周公之聖非導主以謗孔子之書非示人以不急者謹次祥重民事也古者鬱鬱之尊用以灌神故曰一得二米和氣所生今日之祥何以異此劉子曰父老愛我矣然令無德焉不足以比此父老乃歷階而上再拜進詞曰旺等山野鄙人無所知識然聞之君子矣物有所感類固相召天子修政則祥在四夷故海不揚波重譯斯至諸侯修政則

祥在四境故楚王將霸厥有萍實大夫修政則祥在一家故三鍾之降揚震乃陞今之郡縣古之侯國境內之祥非令而誰夫天之所彰不可晦也民之所與不可奪也君子不引高以違衆廢天以為異令無辭焉劉子乃大笑曰父老勞苦矣其罷休就舍古人有言貪天之功以為已有令也敢掠天之美乎卒弗止於是父老退而相議曰吾令長者也奈何白張其在吾民乎私相刻石紀其事俾五泉韓子序之以詒來世昭令之休焉韓子曰夫循吏之致祥古有之矣張堪兩岐魯恭三異載之史籍彬彬然可考矣夫人民者天之心也故曰天視自我民視天聽自我民聽守令之職親民為近其感召易矣子細有李生趙生皆從劉子遊為子道劉子治邑甚悉其化俗以文翁斷獄似廣漢崔有似陽城有文武材善治兵

清韓亞熊撰

澄城金石志

澄城縣志卷二十

金石上

關中爲金石淵藪澄邑又近屬三輔碑版遺畱當不缺然舊志遺而不錄新志語焉不詳遂使吉金壽石湮沈于荒榛斷壘也久矣采輯之攷正之一物之微亦有足徵時代者洪邁隸釋趙明誠金石錄體例俱在可助而撰述也至如唐杜牧功倉戶尉廳壁記無石刻者與有而石已亡者鴻章具在類歸藝文而所載則概以元代爲斷網羅蒐獵裒然有成書矣

魏

暉福寺碑

澄城縣志

卷二十 金石上

太和十二年歲在戊辰七月己卯朔二日建正書額篆大代宕昌公暉福寺碑上豐下銳首有穿無撰書人姓名在北時村寺內文見左

夫元宗

字缺二

非名相之所詮至韻沖莫非稱謂之所攝妙

絕稱謂微言以之載揚體非名相圖像以之而應故羣有殊致道以經焉萬流競津法以紀焉是以神曦騰曜鏡重

昏于大千三乘肇唱拯沈黎于炎宅用能慈御流于當時惠慶光于曠劫自世道交喪靈燭潛暉攸攸羣夢靡照靡

矜我皇文明自天超世高悟鼓淳風以懷萬

字缺一

灑靈澤

以霑九服兼遐想虛宗遵崇道教太皇太后聖慮淵詳道心幽暢協宣皇極百揆挺惟新之明緝熙庶績八表流聲

壤之詠雖智周卅紀而方外之志不虧形應萬機而恬素

之眞弗擾故能優遊紫宮憲章遺法紹靈鷲于溥天慕祇

桓于震

碑作振

且非夫天縱在躬量齊虛受其孰能英風藹

而重扇允猷淪而再揚哉散騎常侍安西將軍吏部內行

尙書宕昌公王慶貴資性明茂秉心淵懿位亞台衡任摠

機密翼贊之功光于帝庭忠規之節彰于朝司每惟奮施

之誠罔申謝生之勲莫報庶冥津元期有寄乃設竭丹

誠于本鄉南北舊宅上爲二聖造三級佛圖各一區規崇

爽塏擇形勝之地臨沃衍據條剛面修獻而帶洛川佩黃

河而負龍門伐良松于華畎之陰掇文瑤于荆山之陽旌

功銳巧窮妙極思爰自經始三載而就崇基重構層閣疊

澄城縣志

卷二十 金石上

二

起法堂禪室通閣連暉翠林淥流含榮遞映蔚若靈椿之

茂春陽鬼若翔雲之籠

字缺一

汜金儀赫曜彩絢光備觀之

者則澄發道心藻除塵垢脩元者則陶眞煉和遺形忘返

諒罕代之神規當今之壯觀者矣夫功高德盛徽聲播于

管弼業隆曠載利述流于後昆所以光宣軌摹永垂不朽

故姻舊慶慈善之至邑里感惠訓之誠遂鐫石立言式揚

暉烈庶洪因鍾于聖躬微津延于先住其辭曰淵哉沖猷

微矣虛宗昏邪交扇氣徒競鋒有覺爰興超悟神蹤志懃

淨境開拯塵蒙於顯大代長發其祥景運承符世有詰王

后皇高悟道風載揚哀此羣或照彼祈鄉化因道感道由

人敷情情安西秉德陳謨冥期幽屬齊茲靈圖曾是暉福

慶宗皇居爰建靈寺妙契天規飛機雲翔浮欄籠曦金儀
燭曜功殫世奇蔚如岷峰瑣若珠麗閑堂寂寥禪室虛冲
朱櫺吐霞翠戶含風僧徒遊宴幽宗是融心栖化表形寓
俗中靈津匪遠缺二則鏡蛻神豈緬藻荃則淨庶運微因
慶鍾皇聖爰凱先慈永超塵徑

王麟按碑後書太和十二年歲在戊辰七月已卯而無撰
書人姓名晉帝奕以太和紀元而在位僅及五年唐文宗
亦號太和乃九年後又改爲開成元年則正史並無太和
十二年也如於上一字少有模糊強爲牽就則晉之永和
十二年歲在丙辰唐之元和十二年歲在丁酉此外凡以
和字紀年者如晉之咸和宋之景和唐之中和趙宋之政

澄城縣志

卷二十

金石上

三

和宣和亦無至十二年者舊志未收此碑而以暉福寺建
立之年屬之于宋誤矣况北魏之稱大代趙明誠金石錄
已備言之考宋蒼梧王四年丁巳爲北魏孝文帝太和元
年至齊武帝六年戊辰實爲北魏太和十二年七月朔已
卯今以魏書證之十二年正月朔辛巳中間歸奇二日正
符合也至文中所稱太皇太后則文明馮皇后也孝文卽
位馮太后臨朝稱制至太和十四年始崩文所稱爲二聖
造浮圖亦等祝釐之義初非冥福之資矣宕昌公王慶皆
傳里史無可考然文言本鄉舊宅或卽澄人未可知也書
闕有問歟能無惜焉北魏碑版流傳絕少如此搨者不
不屬之拆跋氏也韓陵片石之歎庾開府何獨取一溫子

昇哉

碑銘殘額

正書題大隋同州儀同姑臧郡太守成公缺三銘下截則

明嘉靖二十九年所刻上人主墳塔記應係磨去重鐫而
猶留碑額爾在酥醪村普照寺內

王麟按隋書地理志姑臧縣名屬武威郡注舊置武威郡

開皇初廢大業初復置武威郡是開皇時皆爲姑臧郡而
成公乃大業以前人也惜文已磨去難于考究矣

石像殘碑

無年代及撰書人姓名前題大隋南宮縣令奉車都尉雷

澄城縣志

卷二十

金石上

四

明缺一石像之碑正書在馬村清涼寺內文見左

君諱洪郎夫冲宗幽德缺一經教超遷神邁久缺一後遠

缺四惠缺八通感修善歸全缺四山缺二石像缺一銘

曰父母爲人缺三克樹立缺五波將軍奉車都尉恒念慈

心洞曉禪堂禮佛誦經炳心無二缺一年八十缺一加缺六

字南宮縣令真心契意重皈三寶年將八十七缺八祖法

生文能明辨任內部郎缺四鎮將曾祖缺六摠管內部缺六

字乃使缺一人缺九山缺六若神就觀者駭其奇異缺二

稱其妙矣缺七金至其缺七未比之缺一可謂釋迦重應

于缺二大缺五昂缺十代窮缺一至妙缺一言非盡藉此

字缺一因缺三淫槃妙缺一法界缺一妙門缺一雄俊

缺二 謙敬 此下餘石尙應有字 五行無一字可見

玉麟按此碑湮沒既久知者絕少石質亦剝蝕過甚而字體瘦勁處已具歐柳宗派惜無可證明耳碑額相傳有石刻佛像爲好事者鑄竊以去考金石粹編載有此文較此多十餘字而於首行明字下作府字今細撫之頗不似次行君諱洪郎處又空一洪字且自記不知碑在何地是所見亦非全本惟後註大業五年實足徵信耳孫星衍預修邑志而所著寰宇訪碑錄乃以爲碑在南宮縣則耳食之誤矣

唐

佛頂尊勝陀羅尼經石幢讚文

澄城縣志

卷二十 金石上

五

太和四年五月立太原王簡能撰文隴西李季文正書在歸安村壽聖寺內文見左

觀乎佛理元微非至人莫能探其奧旨法性凝寂非達人孰能究其真諦則我天人師觀瞻部之內業幃累重習氣根深懷拯溺之舟起慈惠之楫指善住爲證明不生七返以波利爲洪濟永斷三途厥有居士王公允及夫人隴西李氏悟浮生之不永測泡幻之非堅咸願虔誠同心合志建不朽之寶幢則廣施福祐刻永劫之文字則利益存亡觀之者自得生天聞之者免其災禍先將賜果答父母之劬勞後藉餘光爲已身之船楫又能棲心佛理靜慮蹄筌碑作 高卧煙雲澄神恬泊唯覺路之可歸依信摠持之可

攝受捨嗜慾之心節衣資之費召良工斲荆山之玉建茲是幢削崑崙之峰長標角立銘曰唯彼真經有大威靈扶苦拯溺出幽入冥瞻三途而夜懸明月臨沙界而日照衆星破宿障而雲銷霧卷起厚信而罪滅福生如來真偈演說摠持靜風波海岳動天地神祇震雷音而怖魔潛伏覩龍德而猛虎收威甘露遍灑醍醐微滴需一飛塵洗恒沙際證解脫門住不思議力冀千秋兮不朽徵萬古兮遺跡海變桑田經畱功石

玉麟按此幢舊志不載關中金石記亦未收雖甚磨泐其字蹟尙可辨認後署王官鄉歸安村證以圖經亦見地名之由來久矣經文則漫漶過多難于成讀經序云此本以

澄城縣志

卷二十 金石上

六

永淳二年自西域入京是唐高宗時也明趙嘏石墨鐫華載所藏唐陀羅尼經石幢搨本至十一紙之多惟劉慎微僧無可所書二本最佳餘無姓名郭宗昌金石史所收咸通本又係劉鑄書則關中石幢鑄是經者不一而足要皆唐人手筆惜冷落荒山千百餘載無一賞鑒者表而出之可太息也

澄城令鄭公德政碑

貞元十四年正月立陳京撰文鄭雲達正書姜元素篆額今在縣南門外魏鄭公祠內文見左
在昔兩漢之政咸勤東京之事最明共理邦邑必難守宰不獨孝宣二千石之選也我國家宏啟至化稽對前謨領

縣掄才自邇敷遠實先三輔載首屬城恒甯厥人多及于
理不有卓異曷颺頌歌未通神明誰鑲金石由是貞元十
一年秋閏八月十七日辛巳詔諭銘紀左馮翊澄城令鄭
楚相功德于其理所之南門也澄人謂余方從郎謬跡書
殿飽循吏之事業聆采詩之風謠求成其文寘美公焉公
字叔敖鄭州滎陽人高祖元胄皇朝散大夫祠部郎中曾
祖慈力皇朝議大夫蔡州刺史祖敬賓梓州通泉丞烈考
琨冀州南宮尉累葉盛德咸稱能賢慶遺後人蔚變才子
既冠試吏逢時屢遷及壯佐州遇守方缺拾紫大綬假御
兩轡名盈利權道厭曠貴念代游之不吐去巨卿之舊儀
遂以幅巾諸生修刺先進醇粹流藻馨香立言德成敢雄

澄城縣志

卷二十

金石上

七

需奏用申擢秀才第東觀校書郎勞謁者于遺編勉訓士
以主簿愛仙家于早歲安緱氏以彌年秩滿從調判及殊
績授長安尉而至于宰是邑也致理大端本人和氣孝崇
悌順心通性革當同財而離居驟撤屋而周處用簡成賦
由平頒役論閭廢猜淪蕩快愛俾懸衡以自占偶踐更而
省役敏樹柔桑阜藩多稼讓鄰終畝并力從化順祈報以
登入洽禮節而息宴井冽河闊浴汲投艱寒燠異宜男女
半道戒鑿深厚商利遠邇會廬之義肇周八家不窮之養
旁行四序藝蔬屢豐恒缺四諸圖者放于園公三畝俱存
百本咸毓生生之禮備赫赫之名成鴻細必爲夙暮載考
厚藏不散之寔盡秩有益之祠枯泉由靈而正出鷺蠹抱

義而大去此又感會元昧之可紀者也念歲孤之禰餘散
俸廩于里舍訪善良之疾苦降服馬于鄉亭此又願懷隱
微之可稱者也統齊多方宗詣元念臻于大稔登于治平
人間歲安風清雲明雞犬攸聞煙火闔境表率王旬圖像
延城匪君子理道之至歟是皆根于研心持權端操軼倫
先時劇幟中歲充賦疾如影響利用卷舒摘詞則宣章練
政則居最俄函詔除褒者遂冠惠文行之其猶子康太傅
伯師尙書之徵于馮翊崔君慎寵乃寮聞言于獻狀詢績
以作掾于是百姓孫士良等報德誠明請命朝省而斯頌
作焉詞曰澄有賢令兮爲鄭父文雅揚班兮學齊魯執業
操刀兮造新部更宅闢戶兮調舊宇家多令井兮漫畦圃

澄城縣志

卷二十

金石上

八

野播膏苗兮敏鍾畝泉異貳師兮亦我樹猷同安成兮不
吾禦西海少婦兮慎莫渡潁川四君兮敢爲伍螭龜爰伐
兮題廣路崔巍靡泐兮偉終古

玉麟按陳京宇慶復京兆萬年人事見柳州行狀所傳文
僅數首奏議外無他著述即此文亦奉詔而作要皆官集
賢學上時供奉文字也碑陰有金時重修鄭公祠碑記或
因此移寘歟碑中裂石背尤剝蝕甚惟大金承三祀冬十
二月數字尙可識殆即承安艾元老之所樹耶

宋

高柏廟碑

乾德三年立高陵令兼殿中侍御史李名撰文正書無書

人姓名在韋莊鎮廟內文見左

粵自兩曜初分辰象列而山川正三才既闢人倫辯而禮

教興于是畫地開疆各置于郡縣燔柴奉帛遂立于神祇

定缺二神祇之儀明禍福吉凶之理澄城縣神泉里陵高

社高相缺五相傳祭祀圖經不載其原次有三聖九郎別

字缺一殿宇聰明不測靈驗俱存缺八春祈秋賽朝昏不絕

于盃盤曰往月來風雨漸摧于瓦木缺二巖飾曷以齋莊

大宋乾德之三載夏四月缺二朔二十二日居人于是各

出家財同辦功力重修蓋缺一三門並三殿院及三聖九

郎殿共計三十六間並已畢功斤斧既停日月咸備缺一

梁天矯連畫棟以增光缺五晴煙而混迹足可示嚴廟貌

澄城縣志卷二十金石上

九

字缺二生靈福善禍淫無爽秉直之道五風十雨常為大有

之年府主太尉龍節不移鶴齡轉固缺九為父母養治瘡

痍缺一判官評事縣尉評事共佐同愈臻洪福缺二鎮缺一

字缺一施善化但立殊功享福壽以維多荷台恩而更

久諸社人等重望家傳孝義缺六粟麥盈倉缺二歲歲桑

麻滿室干戈永息缺一喧擊壤之歌雨露缺二但觀缺一

根之瑞刊石記事用紀歲年銘曰高柏之廟兮鎮缺一

九郎之殿兮缺一其旁春祈秋賽兮常不絕福缺一生聚

今永無疆

伏龍廟碑

皇祐六年二月建雷章撰文張天錫正書篆額在伏龍村

寺內文見左

按圖經後周伏龍神廟在縣南五十里周保定四年因神

之名始置伏龍府實武衛舍兵之所也古碑斷缺文字難

究惟曰有龍始見于南而北伏于此名列王號揭諸廟額

神實有靈威福此方凡所祈禱應驗如響民歸事之今益

尊信且自古山川土地之神有功能及于物者上自王國

下逮郡邑通得祀之蓋示重本報功之禮焉耳而龍于天

地間為物最靈其隱伏顯見隨時民雖利其德而莫知其

然也以故易曰潛龍勿用明隱伏之有時矣又曰見龍在

田明顯見之有時矣凡陰陽變化雲雨時施氣序發育品

物生成莫不由之是于山川土地之神功最為大固宜崇

澄城縣志卷二十金石上

一

飭堂宇謹嚴祠事以報其功者矣里人張守清孫嗣宗等

請予曰神之功德實被于民廟祀雖嚴碑壞不立以懼來

世寂沒無聞遂述其事重刻廟石庶後之觀者知神之德

大庇于人矣其辭曰維神之靈應民祈禱福佑一方富壽

終考春秋享祀俎羞具備更千萬年廟像無毀

呂大防題名

在賈谷石壁上正書只存五行共二十一字首行云進士

呂次行云進士陳重三行云知縣事呂大防四行云鹽亭

令呂五行云著作佐郎而不書年月

玉麟按舊志稱呂大防嘉祐間知縣事庚子春同兄大忠

弟大臨尋春賈谷題名石壁考宋史呂大防登進士第為